

Ex iisdem *Silichtar* ad 3000 similiter 1 v aut v equis servientes sinistram Principis latus tuentur. Post hos 11 ordines *Spachoglan* & *Silichtar* equitant *Vlofagi* 5000, ad dexteram Imperatoris, & 5000 ad sinistram, qui omnes ex Ianizaris, aut ex abjuratis Christianis, qui fideliter *Beglerbeio* aut *Bassæ* servierunt, eliguntur. Post hos ultimi sequuntur equites *Charipici*, id est pauperes, qui ex omnibus Provinciis turcici Imperii & diversis nationibus, Christianis, Persis, Mauris, Syris, Arabibus, Barbaris & Tartaris sponte ad Imperatoris servitium stipendij causa confluunt, ex quibus 2000 selectiores Imp. serviunt. Item ante Imperatorem 200 *Mutaseracha* lanceam gestantes equitant, qui ex servis ob facinus aliquod egregium sunt manumissi, & in nobiles aulae electi. Item (post hos opinor) xxx *Chausiler*, hoc est, Caduceatores ante Principem equitant, qui accursum populi prohibent, & viam Principi aperiunt, supplicationes quoque ipsi tradendas recipiunt. Post hos proxime pedites *Solachi*, qui arcum inauratum cum sagittis portantes 200 Imperatorem præcedunt, 200 sequuntur, & ex utroque latere xxx comitatur. Iuxta hos proxime equum Principis incedunt sine tibialibus & calceis 100 *Peicler*, id est Cursores, quos huc illuc in pace ac bello mittat. Hæc perpetua est Imperatoris custodia, tempore belli vero habet etiam *Asaples*, qui sunt pedites extraordinarii, & *Caripoglan*, qui sunt equites extraordinarii. Per ditiones autem & Provincias suas in illarum defensionem alia habet præsidia. In limitaneis ditionum Christianorum sunt supra 10000 Ianitazarorum, intra provincias autem Turcicas 6000 Janitazarorum sparsim commorantur, nulli *Beglerbeio* aut *Bassæ* subiecti, sed immediate Imperatori, & liberi ab omni contributione. Est item per Provincias alia juvenus dispersa ad 10000 ex qua suppleri possint, qui in limitaneis provincialibus ordinibus defecerint. Reliquæ omnes copię militares præter dictas subsunt *Beglerbeis*, qui sunt Rectores provinciarum, quales habet v 11 Græciæ, Anatoliæ, Caramaniæ, Amasiæ & Cappadociæ, Anacidule, Mesopotamiæ, Ægypti, de quibus suo loco. Habet etiam Imp. 111 aut 1 v ad summum Consiliarios, quos vocant *Visirbachas*, aut simpliciter *Bassas*. Theo. Sáduginus lib. de morib. Turc. colligit annuos redditus Turcæ esse vasa auri 1 x v 111 & 1 v 111 millia ducatorum. Vas autem auri continet millia ducatorum centum. Ecclesiastica administratio ex Provinciali Romano ejusmodi: Archiep. Constantinopolitanus hos habet Suffraganeos, *Colubriensem* nunc forte *Chiorlich*, *Naturenssem* *Spigacensem*, *Dorkensem*, *Pavadensem*, forte nunc *Pandia* & *Calcedonensem*. Arch. *Heraclea*. Huic subsunt *Rodesco*, *Peristaciensis*, *Gillipolis*, *Darnensis* forte *Dardanello*, *Curiotensis*, *Archadopolis*, forte nunc *Arco*, *Missenensis*. Arch. *Patracensis*, cui subsunt *Lampsacenus* & *Dinenensis* de *Sellana*. Arch. *Squiscentis*, *Sequino* forte. Huic subsunt *Troianus*, *Andrunianus*, *Jacorensis*, *Decandimonia*, *Lupadiensis*, *Epigoniensis*, *Libariensis*. Arch. *Versensis*, cui subsunt, *Rossianensis*, *Aprensis*, *Ripsalensis*, *Cypsela* opinor. Arch. *Madriensis*, *Mariça* opinor. Arch. *Andrinopolitanus*. Arch. *Traianopolis*, cui subest *Aviensis*. Arch. *Malziacensis*, sub quo *Maronia*. Arch. *Messipolis*, cui subest *Xanociensis*. Arch. *Philippensis*, cui subsunt *Christopolis*, *Dragonensis*, *Chrisopolitanus*.